

Broj: UPI/03-23-2-350/17
Sarajevo, 6.2.2018. godine

04.02.18
09.02.18

Federalno ministarstvo prostornog uređenja, rješavajući po zahtjevu DTQ d.o.o. Sarajevo, za davanje ovlaštenja za provođenje radnji ocjenjivanja usklađenosti građevinskih proizvoda, a na osnovu čl. 16. do 22. Pravilnika o uslovima za lica koja provode radnje ocjenjivanja usklađenosti građevinskih proizvoda ("Službene novine Federacije BiH", br. 49/10, 64/11, 94/17 i 97/17), člana 200. Zakona o upravnom postupku („Službene novine Federacije BiH“, br. 2/98 i 48/99), te mišljenja Stručnog odbora za provođenje radnji ocjenjivanja usklađenosti građevinskih proizvoda, broj: UPI/03-23-2-350/17 od 24.01.2018. godine, d o n o s i:

RJEŠENJE

- DTQ d.o.o. Sarajevo, sa sjedištem u ul. Lužansko polje br. 7 u Sarajevu, daje se **OVLAŠTENJE** za provođenje radnji ocjenjivanja usklađenosti, odnosno ispitivanja građevinskih proizvoda i pojedinih svojstava građevinskih proizvoda, i to kako slijedi:
 - kamen i agregat, prema uslovima iz normi:
BAS EN 1097-6:2014, BAS EN 933-1:2012,
 - beton, prema uslovima iz norme:
BAS EN 12390-3:2010 + Cor1:2012,
 - asfalt i bitumen, prema uslovima iz normi:
BAS EN 12697-1:2013, BAS EN 12697-2:2016, BAS EN 12697-5:2011+Cor1:2013, BAS EN 12697-6:2013, BAS EN 12697-8:2004, BAS EN 12697-13:2002, BAS EN 12697-13:2002/cor, BAS EN 12697-27:2003, BAS EN 12697-29:2003, BAS EN 12697-30:2013, BAS EN 12697-34:2013, BAS EN 12697-36:2004, BAS EN 13398:2011, BAS EN 1426:2016, BAS EN 1427:2016.
- Redni broj iz evidencije ovlaštenih lica za ovo rješenje je: 1/18.
- Imenuju se Šefčet Mulić bach.ing.građ. i Emir Muslić dipl.ing.nem.mat, uposlenici ovlaštenog lica, za odgovorne osobe za provođenje radnji ocjenjivanja usklađenosti građevinskih proizvoda iz tačke 1. ovog Rješenja.
- DTQ d.o.o. Sarajevo, kao ovlašteno pravno lice, dužno je trajno ispunjavati uslove propisane za dobivanje ovlaštenja. Poslove, za koje je dobilo ovlaštenje, dužno je obavljati u skladu s važećim propisima i pravilima struke, te je o svim promjenama koje mogu uticati na njegovu sposobnost, odnosno uslove za obavljanje poslova, dužno bez odlaganja obavijestiti Federalno ministarstvo prostornog uređenja.
- Ovo ovlaštenje se izdaje na period od četiri godine, a može se produžavati na isti period ako ovlašteno pravno lice i dalje ispunjava uslove za davanje ovlaštenja.

Obrazloženje

Dana 3.11.2017. godine, DTQ d.o.o. Sarajevo podnio je zahtjev za izdavanje ovlaštenja za provođenje radnji ocjenjivanja usklađenosti građevinskih proizvoda, odnosno pojedinih svojstava građevinskih proizvoda, i to za: kamen i agregat, beton, asfalt i bitumen.

Uz zahtjev je dostavljena sljedeća dokumentacija:

- Popis sa vrstom i opsegom poslova i radnji, te građevinskih proizvoda za koje se traži izdavanje ovlaštenja,
- Aktuelni izvod iz sudskog registra, donesen od strane Općinskog suda u Sarajevu, broj: 065-0-RegZ-17-007022 od 13.09.2017. godine,
- Rješenje o izmjenama podataka u sudskom registru, doenseno od strane Općinskog suda u Sarajevu, broj: 065-0-Reg-13-003245 od 29.11.2013. godine,
- Certifikat o akreditaciji Instituta za akreditiranje Bosne i Hercegovine - BATA, broj LI-64-01 od 25.05.2017. godine, sa Dodatkom akreditaciji Revizija 0 od 25.05.2017. godine,
- Odluka o imenovanju Šefćeta Mulića za odgovornu osobu za provođenje radnji ispitivanja usklađenosti građevinskih proizvoda (asfalt, filer i bitumen), donesena od strane DTQ d.o.o. Sarajevo, broj: 919-10/17 od 30.10.2017. godine,
- Odluka o imenovanju Emira Muslića za odgovornu osobu za provođenje radnji ispitivanja usklađenosti građevinskih proizvoda (agregat i beton), donesena od strane DTQ d.o.o. Sarajevo, broj: 921-10/17 od 30.10.2017. godine,
- Diploma o završenom studiju za sticanje više stručne spreme, diploma o akademskom zvanju bakalaureat/bachelor inženjer građevinskog inženjerstva, uvjerenje o položenom stručnom ispitu, potvrda o radnom stažu, biografija – na ime Mulić Šefćet bach.ing.građ,
- Diploma o završenom studiju za sticanje visoke stručne spreme, uvjerenje o položenom stručnom ispitu, potvrda o radnom stažu, biografija – na ime Emir Muslić dipl.ing.nem.mat,
- Pravilnik o radu DTQ d.o.o. Sarajevo,
- Podaci o kompetentnosti stručnog osoblja,
- Spisak osoblja,
- Poslovnik upravljanja kvalitetom DTQ d.o.o. Sarajevo,
- Spisak kalibrirane opreme sa podacima o proizvođaču, vrsti, mjernom opsegu i kalibraciji,
- Certifikati o kalibraciji
- Lista osiguranih lica za obveznika DTQ Društvo sa ograničenom odgovornošću za ispitivanje građevinskih materijala i konstrukcija d.o.o. Sarajevo, broj: 13-9/5-15-4-2486/17 od 21.09.2017. godine, izdata od strane Porezne uprave Federacije BiH – Središnji porezni ured Sarajevo,
- Dokaz o osiguranju od štete koju bi pravno lice moglo prouzročiti pri obavljanju radnji za koje se daje ovlaštenje – Polica osiguranja „Triglav osiguranje“ d.d. Sarajevo, broj: 0017919 od 21.08.2017. godine,
- Dokaz o izmirenim troškovima postupka za izdavanje ovlaštenja o usklađenosti građevinskih proizvoda u iznosu od 3.000 KM.


Odredbama člana 17. Pravilnika o uslovima za lica koja provode radnje ocjenjivanja usklađenosti građevinskih proizvoda propisano je da predmetno ovlaštenje daje i produžuje federalni ministar prostornog uređenja po prethodno pribavljenom mišljenju Stručnog odbora za građevinske proizvode.

Predmetni zahtjev je razmatran na 3. sjednici Stručnog odbora za provođenje radnji ocjenjivanja usklađenosti građevinskih proizvoda, održanoj dana 24.1.2018. godine.

Uvidom u dostavljenu dokumentaciju i važeće propise, Stručni odbor je mišljenja da se podnosiocu zahtjeva Laboratorija za ispitivanje građevinskih materijala i konstrukcija DTQ d.o.o. Sarajevo, sa sjedištem u ul. Lužansko polje br. 7, Sarajevo, Bosna i Hercegovina, može izdati ovlaštenje za poslove provođenja radnji ocjenjivanja usklađenosti građevinskih proizvoda, odnosno pojedinih svojstava građevinskih proizvoda, navedene u Certifikatu o akreditaciji.

Ovo Federalno ministarstvo je razmotrilo mišljenje Stručnog odbora za provođenje radnji ocjenjivanja usklađenosti građevinskih proizvoda, kao i dostavljenu dokumentaciju, te je, u skladu sa odredbama čl. 16. do 22. Pravilnika o uslovima za lica koja provode radnje ocjenjivanja usklađenosti građevinskih proizvoda ("Službene novine Federacije BiH", br. 49/10, 64/11, 94/17 i 97/17), odlučeno kao u dispozitivu ovog rješenja.

Pouka o pravnom lijeku: Ovo rješenje je konačno i protiv njega nije dopuštena žalba, ali se protiv istog može pokrenuti upravni spor tužbom kod nadležnog Kantonalnog suda u Sarajevu, u roku od 30 dana od dana prijema istog. Tužba se podnosi u dva istovjetna primjerka i uz istu se prilaže ovo rješenje u originalu ili ovjerenoj kopiji.



Dostaviti:

1. podnosiocu zahtjeva,
2. Federalnoj upravi za inspeksijske poslove,
3. evidenciji,
4. a/a.